

IN NOMINE SS. TRINITATIS

Auctoritate & Consensu

Amplissimi Medicorum Collegii

IN CELEBERRIMA ACADEMIA WITTENBERGENSI

Pro Summis in ARTE MEDICA

Honoribus & Privilegiis Doctoralibus

legitimè impetrandis

DE

PLEURITIDE

PRÆSIDE

AMPLISSIMO, EXCELLENTISSIMO ATQVE EXPE-
RIENTISSIMO VIRO

DN. CONRADO VICTORE

SCHNEIDERO, Phil. & Med. Doct. ac Prof.

Publ. Celeberrimo, Facult. h. t. DECANO Spectatissimo,

Dn. Præceptore, Fautore & Promotore suo singularis reveren-
tiæ cultu prosequendo,

A. D. XXIX. SEPTEMB.

In Auditorio Majore horis ante & pomeridianis

Publicè disputabit

M. GEORGIUS LOTHUS

REGIOMONTANUS. 72

WITTEBERGÆ

Excudebat JOHANNES RÖHNERUS, Acad. Typogr.

clō lōc XLVIII.

2334.

SERENISSIMO ATQVE PO-
TENTISSIMO

PRINCIPI AC DOMINO

DOMINO

FRIDERICO WILHELMO,
MARCHIONI BRANDENBURGENSI, S. R. IMP.
ARCHICAMERARIO ET ELECTORI, IN PRUSSIA, JULIÆ, CLI-
VIÆ, MONTIUM, STETINENSIVM, POMERANORVM, CASSU-
BIORVM, VANDALORVM, NEC NON IN SILESIA, CROSSEN-
SIUM AC CARNOVIENSIVM DUCI, BURGGRAVIO NORIM-
BERGENSI, PRINCIPI RUGIÆ, COMITI DE MARCA
ET RAVENSBURG, DOMINO IN RA-
VENSTEIN &c. &c.

DOMINO SVO CLEMENTISSIMO

DISPUTATIONEM HANC INAUGURA-
LEM, CUM SALUTIS AC FELI-
CITATIS PERPETUÆ APPRECA-
TIONE

humillimè offert & dedicat

M. GEORGIUS LOTHUS
A. & R.

Ad Clariss. Virum
GEORGIUM LOTHUM
 Medic. Candid.
 Pro Licentia disputantem.

Atticum Ducem trophæa civis incluti haud sinunt
 Integram dormire noctem, plurimus mentem amulam
 Dum subinde versat ardor par sibi petens decus.
 Te paterna laudis ingens LOTHE lumen excitat,
 Et negat quiescere unquam, donec acquiras decus,
 Laureamq, quæ recinxit illius quondam caput.
 Scande suggestum, sequetur præmii quicquid petis:
 Interim letus precabor, patriæ vestigia
 Impigrè ut laudis sequutum fata comitentur Patris.

Augustus Buchnerus.

Ad

Clarissimum Virum

DN. M. GEORGIUM LOTHUM, Fautorem & Affinem
 suum Colendum, pro summo in Medicinâ gradu
 disputantem.

Qui quondam in lucem Sophiae penitissima traxit,
 Nunc Medicas artes mente sagace docet.
 Quemq; salutarunt Sophiae cum laude Magistrum,
 Provida Doctorem dicet Hygea suum.
 Hoc meruit labor, hoc mentis præclara requirunt
 Dona. redit demum gloria magna Patris.

Johannes Sperling /
 PP.

De

PLEVRITIDE.

PROOEMIUM.

INter morbos medij ventris, quibus humanum corpus infestari solet, non ultimum sibi vendicat locum pleuritis, cum morbus acutus sit, in cuius remotione non tantum in medicamentorum exhibitione aut applicatione; sed & in administratione victus summa adhibenda est cautio. Nos cum affectus hic consideratione sit dignus, sine omni verborum circuitione, eum in præsentì disputatione perpendemus breviter. Et ne sine ordine progredi videamur, sequentia quinque considerabimus: *Definitionem* sc. *Causas*, *Differentias*, *Signa* & *Curationem*. Sit ergò

I. DEFINITIO.

Pleuritis est Inflammatio pleuræ, à sanguine p. n. eò affluente ortum habens.

Th. I. πλευρίτις vocabulum Græcum est, à Latinis ob vocis convenientioris inopiam receptum & latinirate donatum. Nomen habet à parte affectâ: πλεύρω

Nom. Paro.
nym.

A

enim

enim ἀπὸ τῶν πλευρῶν, à costis quibus subtenditur, dicta, membranam costas succingentem Medicis significat. Hinc πλευρίτις quæ est inflammatio τῆς πλευρᾶς originem ducit, & πλευριτικός Lat. pleuriticus dicitur qui tali morbo laborat.

Homonym.

II. Sumitur autem dupliciter: VEL PRO SYMPTOMATE; 1. *Generaliter & improprie*, pro quolibet lateris dolore, quo sensu musculorum intercostalium, tam internorum quam externorum inflammatio, pleuritidis nomine venit, itemq; diaphragmatis & mediastini inflammationes, quia cum dolore lateris conjunctæ sunt. 2. *Specialiter & proprie*, pro dolore lateris punctorio cum tussi, respiratione difficili, feбри continua, acuta &c. VEL PRO INFLAMMATIONE PLEURÆ ad quam ceu causam dolor lateris punctorius &c. sequitur, in qua significatione à nobis definita fuit.

Genus.

III. In definitione GENERIS locum obtinet INFLAMMATIO, utpote in qua τὸ εἶναι γενικὸν hujus affectus consistit. Nomine autem inflammationis non intelligendam volumus inflammationem siccam, quam Græci vocant φλέγωσιν; sed humidam ex affluxu humorum ortam, quæ proprie est inflammatio, & Græcis dicitur φλεγμονή.

Pars affecta.

IV. PARS AFFECTA est PLEURA s. membrana costas succingens, inflammationis facile capax, utpote quæ duplex est, interior & exterior, inter quas vasa omnis generis excurrunt. Hanc membranā à sanguine p.n. affluente adeò nonnunquam in tumorem attolli & excrefcere, ut decuplò crassior, quàm cum sana est evadat, sæpius observatum. Etsi autem in inflammatione pleuræ interdum & musculi intercostales tam interiores quàm exteriorio

exteriores in consensum trahuntur, imò sapè etiam accenduntur pulmones, præcipuè cum pars pleuræ superior afficitur, quæ cum pulmone habet communio- nem, veræ tamen pleuritidis *πρωτὴν δυνάμιν* seu *πρώτον πύλον* est pleura.

II. CAUSÆ.

Causa pleuritidis proxima & immédia- ta est sanguis. Causæ remotæ & mediatae sunt vel res naturales, vel non-naturales vel præternaturales.

V. Accedimus jam ad causas pleuritidis & primò *CAUSA* quidem PROXIMAM, quam dicimus esse SANGUI- *PROXIMA.* NEM è vasis thoracis pleuram nutrientibus, plus justò elapsum, & in eâ transpiratione interceptâ, putrescen- tem. Sanguis autem iste vel purus & sincerus est, vel alios humores admistos habet, bilem sc. pituitam, aut melancholiam, licet pleuritis frequentius à sangui- ne puro aut sanguine bilioso, rariùs verò à sanguine pi- tuitoso aut melancholico generetur.

VI. Penes hujus causæ considerationem notandus *Modus gene-* est MODUS GENERATIONIS pleuritidis. Dupli- *rationis.* ci autem modo generatur pleuritis, vel *per sanguinis attractionem*, quando sangvis à membrana costas suc- cingente attrahitur; vel *per transmissionem*, quando sangvis aliunde in eam immittitur.

VII. PER ATTRACTIONEM oriri solet 1. à calo- re vel à motu nimio excitato, vel ab igne genito, vel à calore solis & radiis solaribus producto. 2. à do- lore, qui tamen non per se sed per accidens humores attrahit.

III. PER TRANSMISSIONEM verò fit pleuritis, quando facultas partis, cujusdam corporis, à copia vel qualitate sanguinis laceſſita, ſanguinem inutilem & ſibi moleſtum ad pleuram expellit & deponit. In qua ſi trans ſpiratione non evacuatur, aut ob debilitatem partis tam nativam quam adſcititiā non expellitur, putreſcit ac inflammationem τῆς πλευρῆς excitat.

IX. Quæ verò pars in hoc ſanguinis affluxu ſit mandans, quæ recipiens & quæ viæ per quas ſanguis affluit jam breviter delineabimus.

X. PARS MANDANS ſeu *terminus à quo*, eſt *vel totum*, cum nempe univerſum corpus aut ſanguine abundat, aut cacochymia repletum eſt; *vel pars aliqua* imprimis principalis utpote cor à naturali temperie recedens, aut hepar plus juſto calidius &c.

XI. VIÆ per quas ſanguis affluit, ſeu *terminus per quem*, ſunt ipſa vaſa quæ ad membranam coſtas ſuccingentem tendunt, ac pro nutritione ſanguinem adferunt, utpote venæ arteriæq; intercoſtales & mammariæ itemq; vena azygos.

XII. PARS demum RECIPIENS ſeu *terminus ad quem* ſanguis deferitur, eſt ipſa membrana quæ coſtas ſuccingit, quæ tum ob nativam debilitatem, tum etiam adſcititiā facilè humorum fluxum recipit.

CAUSÆ
REMOTÆ.

XIII. Seqvuntur jam CAUSÆ REMOTÆ & MEDIATÆ, quarum tres claſſes conſtituimus. I. Res naturales continet. II. Res non naturales. III. Res præter naturales complectitur.

Res natura-
es.

XIV. Inter RES NATURALES primo loco refertur TEMPERAMENTUM CALIDUM ſeu totius, ſeu partis cujusdam, aut principalis ut Epatis, cordis

cordis &c. aut minus principalis, connectionem tamen & communionem cum pleura habentis. II. HUMORUM in corpore ABUNDANTIA seu sanguinis, seu aliorum humorum morbo huic materiam suppeditat. III. SEXUS VIRILIS ob sanguinis calidioris abundantiam, & quia vasa omnia habet latiora & patentiora facilius in hunc morbum incidit. IV. ÆTAS JUVENILIS itemq; CONSISTENS & media facilè pleuritide corripuntur. V. HABITUDO corporis DENSIOR malo huic etiam ansam præbere potest.

XV. RES NON-NATURALES quæ causarum morbificarum naturam induere pleuritidemq; generare possunt, in quatuor classes iterum distribuuntur. *Res non-naturales.*
Prima illa quæ assumuntur continet. *Secunda* ea quæ geruntur. *Tertia* ea quæ foris corpori adveniunt. *Quarta* ea quæ retinentur & excernuntur complectitur.

XIV. Inter Assumenda ad pleuritidis generationem faciunt I. AER CALIDUS inspiratione attractus, qui caliditatem suam corpori nostro communicando, sanguinem & spiritus inflamat, & hinc morbos calidos excitat. Sæpè etiam aer propter quandam malignitatem pleuritides excitat, quæ epidemiæ vocantur, quoniam aliorum epidemiorum morborum more plurimos corripunt. II. CIBUS CALIDUS & SALSUS, qui sanguinem calefacit atq; adurit, ut & POTUS CALIDUS præsertim in nimia quantitate assumptus ut vinum Malvaticum, Hispanicum &c, itemq; medicamenta calida & acria.

XVII. Ex Gerendis sunt I. ANIMI PATHEMATA, Amor sc. ira, timor & pavor. In duobus af-

fectibus prioribus, imprimis in ira sanguis & spiritus effervescent & cum impetu ab interioribus ad exteriora moventur, unde universum corpus incalescit: in duobus posterioribus spiritus & calor ad cor revocantur sanguinemq; accendunt, unde facilis cordis ac vicinarum partium inflammatio oriri potest. **II. MOTUS NIMIUS & VEHEMENS** quid hac in re præstare possit sat manifestum. E contrario **QUIES** immodica quatenus totum corpus vitiosis humoribus replet, ejusq; partes consequenter debiles & invalidas reddit, hujus affectus quoq; causa esse potest. **III. SOMNVS ET VIGILIÆ** si modum excedant pleuritidis generationem promovere possunt. Imprimis vigiliæ nimix quæ universum corpus exsiccant, bilem augment & inflammant.

*Res præter
naturales.*

XIIX. Ad Foris Incidentia. **I. AER** iterum referri potest. Is enim dupliciter corpus nostrum afficit (1.) quando inspiratione attrahitur, (2.) dum corpus nostrum ambit ei; per poros se insinuat. Et ut internè caliditate, sic externè frigiditate suâ multum hic efficit. **FRIGIDUS** enim aer cutis meatus occludendo ac perspirationem impediendo sanguinem accendit; comprimendo verò destillationes excitat. **II. BALNEA** nimis calida; **MEDICAMENTA** item calida lateri intempestivè admota. **III.** Huc pertinent **VULNERANTIA, CONTUNDENTIA** & similia quæ sanguinis affluxum ad latus concitare valent.

IX. Ex

XIX. Ex Excernendis & Retinendis ad pleuritidem generandam faciunt II. SUPPRES-
 SÆ sanguinis evacuationes, ut hæmorrhagia-
 narium intempestivè cohibita, menses subsistentes & ad
 superiora regurgitantes fluxus hæmorrhoidium pro-
 hibitus, itemq; lochia retenta aliæq; evacuationes con-
 suetæ intermissæ. II. Alvi fluxus intempestiva
 detentio, ut & humorum vitiosorum qui per ulcera
 inveterata evacuari solebant retentio.

XX. RES tandem PRÆTERNATURALES,
 quæ tanquam causæ remotæ ad pleuritidis generatio-
 nem concurrere possunt, sunt vel morbi, vel sympto-
 mata, ut intemperies calida, cordis, hepatis &c. meatu-
 um corporis obstructio, dolor, vigiliæ, de quibus cum
 in præcedentibus jam dictum sit, hic actum agere nolu-
 mus.

*Res præter
 naturales.*

III. DIFFERENTIÆ.

Pleuritis I. alia est ascendens, alia descen-
 dens. II. alia sanguinea vel biliosa, aut pitui-
 tosa vel melancholica.

XXI. Variæ apud autores pleuritidis inveniuntur
 differentiæ. Primo enim aliæ eam in nimis exquisitam,
 non exquisitam & notham dispescunt. Nimis exquisi-
 tam pleuritidem appellant quæ primariò infestat pleu-
 ram. Non exquisitam quæ musculos intercostales in-
 ternos afficit. Notha v. illis dicitur quando musculi in-
 tercostales externi inflammantur. Secundò à nonnullis
 pleuritis in impropriad & propriam dividitur. Sub
 nomine improprie diaphragmatis & mediastini
 com-

complectuntur inflammationes. Propriam iterum faciunt duplicem, Legitimam sc. & Spuriam. Ultraq; talis dicitur vel ratione loci, vel materiæ. Legitima ratione loci est, quæ fit in ipsa membrana costas succingente, vel sola, vel cum inflammatione muscutorum intercostalium internorum & in parte anteriore. Spuria verò ratione loci est, quæ pertinet ad musculos intercostales exteriores, aut inferiores solos sine inflammatione pleuræ, aut pertinet ad periostrum, aut demum ad membranam costas succingentem, sed potius in parte thoracis posteriore quàm anteriore. Legitimam ratione vocant materiæ, quæ fit ex sanguine sincero. Spuriam autem ratione materiæ appellant quæ fit ex sanguine, aut bilioso, aut pituitoso aut melancholico.

XXII. Nos his & similibus differentiis missis, quoniam in plerisque vox pleuritidis nimis generaliter & impropriè accipitur, duas tantum quæ præcipuæ sunt, breviter hic notabimus; *Unam*, quæ desumitur à parte affecta; *alteram* à causa efficiente proxima petitam.

XXIII. RATIONE PARTIS AFFECTÆ pleuritis in ascendentem & descendentem dividitur. ASCENDENS est quando pars pleuræ superior afficitur. DESCENDENS verò quando pars ejus inferior inflammatur. Ultraq; a. est vel in latere dextro, vel sinistro; vel in tunica pleuræ interiore, vel exteriori.

XXIV. RATIONE CAUSÆ EFFICIENTIS PROXIMÆ, pleuritis alia est sanguinea, alia biliosa, alia pituitosa, alia melancholica. SANGUINEA est quæ ortum habet à sanguine puro & sincero. BILIOSA illa dicitur quæ à sanguine cum bile permixto oritur. PITUITOSA est quæ à sanguine pituitoso, MELANCHOLICA quæ à sanguine melancholico producta est.

His

XXV. His differentijs adjungimus illam, qva pleuritis in humidam & siccam dividitur. *Humida* est in qva sputum mox in principio morbi ejicitur. *Sicca* verò est, in qua nihil, aut parum, tardè ægreq; tussi rejicitur, non solùm in morbi principio, sed ejus etiam progressu. Quod fit vel ob bronchiorum obstructionem, aut sangvinis crassitiem & visciditatem, vel facultatis imbecillitatem, aut etiam doloris vehementiam.

IV. SIGNA.

Signa pleuritidis diagnostica sunt vel communia; vel propria. Signa prognostica alia sunt salutis & mortis; alia longitudinis & brevitatis; alia modi eventus.

XXVI. Explicatis sic differentijs, rectà progredimur ad signa pleuritidis, quarum alia sunt diagnostica, quæ præsentem pleuritidem demonstrant; alia prognostica, quæ ejus eventum prænunciant. Diagnostica in communia & propria à nobis distinguuntur. Illa dicuntur, quæ omni pleuritidi conveniunt, sive sit sanguinea sive biliosa, sive pituitosa, aut melancholica, sive ascendens, sive descendens. Propria v. vocantur quæ huic vel illi pleuritidi in specie competunt. Sic quædam signa propria habet pleuritis sanguinea quibus distingvitur à biliosa, & biliosa habet quibus à pituitosa discernitur &c.

Signa Diagnostica.

XXVII. Ut autem ordinem observemus, SIGNA pleuritidis COMMUNIA primò considerabimus, postea addemus & propria. Communia numero sunt quinq;: Dolor sc. lateris punctorius, febris continua acuta, pulsus durus, parvus & frequens, respiratio difficilis & tussis; quæ signa conjunctim sumpta verè sunt pa-

Communia.

gnomica, quoniam pleuritidis essentiam consequuntur, & cum eâ necessario cohærent. I. in omni pleuritide adest DOLOR LATERIS PUNCTORIUS, qui huic membranæ est proprius, ac â sanguine in pleuram effuso eamq; distendente oritur. II. conjungitur cum eâ FEBRIS CONTINUA acuta & vehemens, quia pleura phlegmone laborans pars est cordi vicina. Febris a. non semper symptomatrica, sed sæpè est primaria ante phlegmonem orta, quæ postea accedente pleuritide magis magisque augetur. III. PULSVS in ea observatur durus, parvus & frequens, ob arteriarum tensionem, ac pleuræ inflammatae duritiem & densitatem, quapropter arteriæ pro necessitate distendi nequeunt. IV. in omni pleuritide etiam RESPIRATIONIS DIFFICULTAS deprehenditur. Cum enim pleura ob costarum motum respiratori inservire videatur, fieri non potest, quin hæc læsa simul lædatur respiratio. Est a. respiratio parva quia ob inflammationem & subsequentem dolorem partes thoracis satis dilatari nequeunt: Frequens vero & velox, quia frequentia & velocitas, quoniam brevi tempore perficitur, tantum dolorem non parit. V. TVSSIS tandem omnem comitatur pleuritidem, & oritur ob transudationem & irritationem materiæ morbificæ, quæ natura ad expellendum, id quod sibi molestum est, irritatur.

*Distinguen-
tia.*

XXIIX Ex signis his omnibus conjunctim sumptis, veram pleuritidem ab alijs affectibus, qui cum ea similitudinem quandam habere videntur, facile discernere licet. In verâ enim pleuritide hæc signa omnia concurrunt. In reliquis autem affectibus qui veram quodammodo æmulantur, ut sunt peripneumonia, jecoris, musculorum intercostalium, diaphragmatis & mediastini in-

inflammationes, signa illa nec omnia nec eodem modo, apparent. Distingvitur ergo I. *à peripneumonia* in eo, quod dolor in hoc affectu exiguus, gravativus non pungitivus in medio potius thoracis, quàm in lateribus percipitur; spirandi difficultas adest major, ut laborantes non nisi rectâ cervice respirare possint; pulsus verò non durus sed laxis & undosus est. II. *Inflammatio* jecoris à verâ pleuritide distingvitur doloris loco & specie, urinæ colore, pulsu & tussi: dolor semper in dextro latere, circa dextrum hypochondrium percipitur, neque is pungens est sed gravans, & infra costas apparet aliqua durities vel tumor: Vrina apparet coloratior; pulsus non tensus sed undosus est; tussis v. minor & sicca; alvi quoq; dejectio in hoc affectu est subcruenta & loturæ carnis nonnunquam similis: III. *In inflammatione musculorum intercostalium*, dolor est mitior nec pungitivus, febris vel nulla, vel non adeò acuta adest, tussim per se non habet conjunctam. IV. Discernitur vera pleuritis *à diaphragmatis & mediastini inflammationibus*, quod in his affectibus dolor non in lateribus urget, sicuti in pleuritide; sed in diaphragmatis inflammatione dolor versus hypochondria tendit, & circa ejus regionem nonnunquam tumor apparet, deliriumq; adest: in mediastini v. inflammatione dolor pertingit ad mediam thoracis partem juxta sternon. V. Oritur interdum etiam *dolor* in latere, *à flatibus* inter musculos intercostales & membranam conclusus, cum verò sit vagus ac varius, non fixus, è contra v. pleuriticus stabilis ac perpetuus, facile patet eum à vera pleuritide non oriri.

X XIX. Hactenus signa communia quæ omni pleuritidi in genere conveniunt, enumeravimus. Sequuntur jam PROPRIA, quæ huic vel illi pleuritidi in specie *Propria.*

competunt, signa videlicet pleuritidis ascendentis, descendentis, sanguineæ, biliosæ &c.

XXX. Signa pleuritidis ASCENDENTIS & DESCENDENTIS ex doloris situ petuntur, qui nunc ad superiora & jugulum versus extenditur; nunc versus hypochondria vergit. SANGVINEA pleuritis ex sputo rubro, faciei rubore, venarum repletionem & tensione circa tempora maximè & ex sensu gravitatis circa oculorum cavitates cognoscitur. BILIOSÆ signa sunt sputum subflavum, oris amaritudo, febris vehementior, vigiliæ majores & sitis magis urgens. PITUITOSAM indicant sputum viscidum, albicans & glutinosum, febris & reliqua symptomata sunt mitiora. In MELANCHOLICA sputum ad nigrum & lividum tendit, nisi insignis humorum corruptio præcesserit.

Signa temporum.

XXXI. Hic paucis signa temporum pleuritidis annectenda sunt, quæ præcipuè à sputo desumuntur. *Principium* pleuritidis arguunt, sputum aut nullum aut paucum, vel crudum & cum difficultate rejectum; tussis item pauca, febris remissa & dolor parvus. In ejus *incremento* sputum facilius & copiosius, non nihil etiam crassius expuitur, & ex rubro fit flavum. *Status* cognoscitur, quando sputum non tantum facile & copiosius rejicitur, sed præterea album, leve, æquale & mediocris consistentiæ est. *Declinationem* v. ex sputi paucitate & omnium symptomatum remissione colligere licet.

Signa prognostica.

XXXII. Tandem inter signa brevibus PROGNOSTICA tractanda restant, quæ sunt in triplici differentia; *alia sunt salutis & mortis; alia longitudinis & brevitatis, alia modi eventus.* Quæ quidem omnia ex collatione virium naturæ & morbi, potissimum verò à coctione & cruditate sputi petuntur.

XXXIII. SA

XXXIII. SALVTEM indicat sputum coctionem maturè recipiens, quod primis sc. diebus apparet rubrū vel citrinum, quarto v. die maturatur & in album vel subcitrinum mutatur; in substantia ac colore benè se habens, album sc. leve æquale & continuatum, non aquosum, nec spumofum, nec viscidum; & quod facile ac promptè excernitur.

XXXIV. MORTIS verò signa sunt, sputum nullum (nisi pleuritis valde sit exigua) pulsus summoperè durus, parvus & ob calorem frequentissimus; sanguinis aliquis fluxus in initio sine symptomatum alleviatione, diarrhœa superveniens epate & ventriculo in consensum tracto, vultus demissus, oculorum aurigo & caligo.

XXXV. Morbi LONGITVDINEM crudæ seu incoctæ, BREVITATEM autem pleuritides coctæ ostendunt; & quò tardius signa coctionis apparere incipiunt, eò longior quoq; erit morbus; quò citius verò signa tam bona quàm mala se produnt, eò citius quoque pleuritis vel ad salutem vel ad mortem tendet.

XXXVI. De Modo EVENTUS hæc tantū notamus. Pleuriticus si quarto die album, læve & æquale exspuat, morbus in septimò terminabitur. Si verò septimo, ultra undecimum aut decimum quartum diem pleuritis non durabit.

XXXVII. Quæcunq; pleuritidis intra quatuordecim dies superne per sputum non solvitur, ea cum empyemate transmutatur. Idem fit si dolores laterum neque sputi purgatio, neq; soluta alvus, neq; sanguinis missio, neq; medicamentum, neq; victus ratio sedare potuit.

XXXIIX Si in augmento pleuritidis dolor minuitur, reliquis signis non cessantibus, sed potius augescen-

tibus, genæ sunt rubicundæ, & oculorum adest fervor, pleuritis in pulmoniam abit.

XXXIX. Pleuritis quæ in corpus cachecticum incidit, aut morbum diuturnum sequitur, plerumque lethalis esse solet.

XL. Recidiva in pleuritide ut plurimum ad mortem tendit.

V. CVRATIO.

Curatio pleuritidis, chirurgia, pharmacia & diæta absolvitur.

Curatio.

XLI. Ultimum quod in præsentī nostra disputatione tractandum suscipimus, est CVRATIO pleuritidis. Hæc secundum triplicem indicationem, præservatoriam sc. curatoriam & vitalem ita instituenda est, ut humores motu peccantes revellantur & deriventur; (ob vicinum cor à repellentibus & intercipientibus hic abstinendum) quantitate abundantes imminuantur & evacuentur; qualitate excedentes alterentur; humor verò jam influxus discutiatur, aut si id fieri non potest maturetur & coquatur, ut quamprimum tussi rejici possit; deniq; ut vires & robur partium conserve-
tur. Quibus omnibus & singulis, remediis è chirurgia, pharmacia & diæta petitis, satisfaciendum est.

CHIRUR- CHIA.

Venæsectio.

XLII. Præcipuum quod è CHIRVRGIA petimus remedium est VENÆSECTIO, quæ ut in omni inflammatione, sic etiam in pleuritide maximè est necessaria, & potissimum hic revulsionis & derivationis gratia adhibetur.

XLIII. In omni ergò pleuritide, imprimis si corpus sit plethoricum, & affluxus sanguinis vehemens, æger
autem

autem nec alvi profluvio laboret, nec ventrem cibo repletum habeat, statim in principio, dum fluxio humorum adhuc durat, (præmisso tamen clystere, si affectus non valdè urgeat) revulsione gratia vena in brachio lateris oppositi secanda est, utpote quæ sanguini contrarium motum conciliat, eumq; à parte affecta avertit. Postea in die tertio vel quarto derivationis gratia, tundatur basilica ejusdem lateris. Si autem pleuritis sit exigua ac levis, in qua sanguinis copia nec est magna, nec magnus affluxus, sectionem venæ in brachio parti affectæ vicino sufficere, non negamus.

XLIV. In mulieribus ex mensium suppressione pleuritide correptis, nunc vena brachij, nunc poplitis, vel tali secanda est, prout illa suppressio vel est antiqua vel recens. Sub ipsum verò mensium fluxum venæsectio tentanda non est, sed expectandum, an fluxus ille mensium ad depulsionem hujus morbi sufficiat, aut suffecturus sit. Si non sufficiat, venæ in cruribus primò aperiendæ sunt, quod si autem pleuritis ob suam vehementiam etiam ex harum sectione tolli non potest, cum vitæ major quam mensium habenda sit ratio, vena brachij secanda est.

XLV. Pueris ante XIV. ætatis annum, ob virium imbecillitatem, venam aperire non licet. Si autem pleuritis sit magna, multoq; sanguine abundans puer vires sat firmas obtinet, hirudines venis applicare solent. In senibus quoq; dum pleuritide laborant, à venæsectione non abstinendum, si sc. sunt carnosissimi, sanguinei & validi.

XLVI. Tempus secandi venam, in revulsione humorum fluxio indicat, humoribus enim fluentibus, non

352.
his qui jam influxere revulsio debetur. In initio ergo morbi revulsionis gratia phlebotomia instituenda est. In derivatione autem vena secanda, cum in partem jam sanguis influxit, ei tamen nondum impacta est. Quantitas verò mittendi, quantitati sanguinis ægriq; viribus respondeat.

XLVII. Si vires sunt debiles venæsectionis loco, cucurbitulæ cum scarificatione partibus inferioribus sunt apponendæ, aut alia revulsionum genera, ut frictiones extremorum, ac fortes ligaturæ adhibenda.

**PHARMA-
CIA.**

XLIX. Peractâ venæsectione, ea remedia sunt adhibenda, quæ PHARMACIA nobis suppeditat, ut sunt medicamenta purgantia, alterantia, expectorantia, symptomata mitigantia &c. quorum alia intra corpus assumuntur; alia verò exterius parti affectæ applicantur.

Purgatio.

XLIX. Primò PURGATIONEM quod attinet, etsi nonnulli negant, eam in vera pleuritide convenire, nisi omninò ad declinationem pervenerit; simpliciter tamen hoc admittere non possumus, eam imprimis ob rationem, quod pleræq; pleuritides à sanguine non puro, sed impuro & cum vitiosis humoribus permisto ortum habeant, qui ne ad partem affectam confluant, per purgantia sunt exturbandi.

L. Statuimus ergo in vera etiam pleuritide, imprimis quæ à cacochymia ortum duxit, post venæsectionem statim in initio catharticum lene esse exhibendum, nisi morbus vigeat & humores à natura concoquantur. Pro varietate autem humorum peccantium, purgantia etiam variari debent, & nunc pharmacum cholagogum, nunc phlegmagogum aut melanagogum propinandum, prout vel bilis vel pituita aut melancholia prædominium habet.

LI. ALTERATIO & febris & humoris peccan- *Alteratio.*
tis causa instituitur. In principio ergò morbi bis aut *2353.*
ter in die exhibendi sunt julebi refrigerantes, humoris
ardorem & ebullitionem cohibentes, ac fluxionem si-
stentes. Quibus ea immiscenda quæ peculiari vi & pro-
prietate pleuriticis utilia sunt, ut, fl. papav. errat. cort.
avel. rubr. sem. card. Mar. card. bened. oculi caner. &
lucij, mandib. lucij cum dentibus & cruces in capite e-
jus inventæ, rasuræ dentis apri, castoris, lapides percar.
carpionum &c.

LII. In pleuritide verò epidemica cum alterantibus
quoq; exhibenda sunt, quæ malignitati resistere que-
unt. Et in principio statim medicamenta sudorifica
aut diaphoretica usurpanda, qualia in febribus mali-
gnis præscribi solent.

LIII. Conveniunt etiam in hoc affectu, imò necessa-
ria sunt medicamenta EXPECTORANTIA dicta, quæ *Expectoran-*
faciunt ut materia morbifica in pectore contenta tussi *tia.*
facilè rejiciatur. Sæpè enim materia peccans vel ob ni-
miam crassitiem aut tenuitatem à natura non potest ex-
pelli, hinc medicamenta talia usurpari debent, quæ hu-
mores nimium crassos attenuant, tenues verò increas-
cant. Primi generis sunt: Rad. tussilag. pimpinell. sca-
bios. helen. fol. capill. ♀. scabios. veron. tussilag. hyssop.
fl. pulmon. macul. spec. tussilag. sirup. d. glycyrrh. d.
hyssop. d. farfara, d. scab. d. prassio, looch d. farfara,
d. pino &c. Secundi generis sunt rad. alth. fl. violar.
bugloss. gumm. tragac. amyllum, papaver, jujub. sebest.
sirup. viol. jujub. d. papav. &c. Ex his & similibus in-
ter semistis varia medicamentorum genera pro morbi
natura & Medici intentione parari possunt.

LIV. Nec tantum interna sed & externa medicamenta in curatione hujus morbi usurpari possunt, præcipuè verò FOMENTA, quæ & materiæ partem discutunt & dolorem leniendi vim habent, variisq; modis fieri possunt, spongia sc. vesicâ, illitu & cataplasmate &c. Sic latus foveri potest spongiâ aquâ calidâ madidâ, aut madente ex decocto flor. chamam. meliloti, anethi, rad. alth. sem. lini, fœnigræci: aut adhiberi potest vesica lacte tepido repleta, vel solo, vel cum fl. chamam. cocto. Inunctiones fieri possunt ex ol. violato, amygd. chamam. &c. Cataplasma formari potest ex sem. lini, fœnigr. malvæ, rad. alth. fl. chamam. &c. Notandum verò quod non eadem fomenta omni pleuritidi conveniant, sed pro diversitate materiæ, à qua illa producta est, ea etiam mutanda sunt. Alia quoq; fomenta in principio morbi, alia in progressu ejus sunt adhibenda.

LV. Quibus remediis hætenus recensitis, si pleuritis tolli non potest, sed ad suppurationem vergit, Medicus ejus MATURATIONEM & abscessus ruptionem promovere debet. Ad maturationem commendant nonnulli sequens emplastrum: R. rad. alth. lin. an. unc. j. fic. No. IV. coq. ex vin. alb. cum pauco aceto, deinde c. ol. lil. & adip. pinsentur in mortario, ut ducat formam emplastri mollis, cui insperge pulv. nasturt. sinapi an. 3j.

LVI. Abscessus ruptionem præter bechica quæ hic præscribi possunt, adjuvant ægri intenta locutio, tussis & sternutatio. Facta verò ruptione DETERGENTIA & CONSOLIDANTIA adhiberi debent. Detergio fieri potest hydromelite aut decocto quodam pectorali cui ea quæ detergendi vim habent immista sint. Consolida-
datio

2355
datio autem perficitur conserv. ros. med. ætatis, thure
aut terra sigillata. utrumq; præstat lac chalybeatum
quod adhiberi potest nisi febris urgeat. Demum materia
abscessus aut per diuretica si ad vasa urinaria, aut per
clysteres si ad intestina vergat, evacuanda est.

LVII. Tandem quæ DIÆTÆ ratio in pleuritide
sit observanda annectemus paucissimis.

DIÆTA.

LII X. AER in quo æger degit temperatus esse debet
aut potius ad frigiditatem declinans. Nimis enim fri-
gidus transpirationem prohibet, calidior verò æstum
partis affectæ urget. Qui si ob anni tempus denegatur,
corrigi potest stratis in pavimento plantis refrigeranti-
bus, fol. sc. salicis, vitis, fl. rosar. nymphææ &c.

LIX. CIBUS sit tenuis refrigerandi & humectan-
di vim habens. Maximè hic commendatur ptisanæ hor-
deaceæ cremor, cui & amygdalas dulces immiscere li-
cet. Utilis quoq; est emulsio amygd. dulc. cum aq.
hord. aut rosar. facta addito saccharo. Probantur quoq;
vitella ovorum sorbilia, quandoq; tremula. A cibis verò
salsis, acribus, amaris & acidis abstinendum.

LX. POTUS nimius vitetur: imprimis verò vinum
fugiendum, qui in hoc affectu instar veneni est. Utilis
econtra est aqua hordei vel sola, vel cum passulis aut ju-
lep. rosar. & violar. Profunt quoq; decocta pectoralia
ex jujubis, passulis, glycyrrh. & aq. hord. parata, i-
temq; emulsio sem. 4. frigid. major. cui aliquid sem. pa-
pav. aut sirup. d. papav. errat. addere licet.

LXI. VIGILIÆ nimix compescendæ. SOMNUS
verò imperandus & hypnoticis conciliandus est.

LXII. MOTUS corporis vehementiores intermit-
tendi, ne vires alias prostratæ magis debilitentur aut
sanguis fervidior ad partem affectam ruat.

ANI-

LXIII. ANIMI PATHEMATATA non excedant, imprimis ira, quæ malum hoc valdè augere potest.

LXIV ALVIUS si sit obstructa, partim diætâ, partim clysteribus & suppositorijs emollienda. MENSILUM & hæmorrhoidium fluxus si accidat, non repellendus, neq; sanguis è naribus criticè fluens sistendus sed facilitandus, omniaq; sic peragenda sunt ne committatur excessus.

LXV. Hæc sunt quæ de pleuritide eâ quâ fieri potuit brevitate, in medium afferre volui. Neq; enim tractatû integrum conscribere fuit animus, cum & tempori parcendû, & legibus FACULTATIS MEDICÆ obsequendum sit. Quæ propter etiam à Lectore Candido & commissorum & omisorum veniam mihi facile polliceor.

**SOLI DEO TER OPTIMO TER MAXIMO
SIT LAVS HONOR ET GLORIA CVM
GRATIA RV M ACTIONE
DEBITA.**

